

Zeitschrift:	Annalas da la Societad Retorumantscha
Herausgeber:	Societad Retorumantscha
Band:	4 (1889)
Artikel:	Duos Poesias sopra il fat d'Adam da Camogask : compostas dal p. m. Minister sigr. Joh. Cloetta in Scanf (anno 1832)
Autor:	Cloetta, J.
DOI:	https://doi.org/10.5169/seals-176999

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 11.08.2025

ETH-Bibliothek Zürich, E-Periodica, <https://www.e-periodica.ch>

Duos Poesias

sopra

Il fat d'Adam da Camogask

compostas dal

p. m. signr. Minister Joh. Cloetta in Scanf.



≈ Anno 1832. ≈





Sur l'affer da Guardavall arrivo intuorn l'ann 1400 tres:

Adam Festa di Camogask.

Melodia: Las Agnas sun in ün bel plaun. —

Pajais Grischun! quant prezius
La liberted at rend' a nus!
Cul där terrain — ün ajer saun
E buns talents s' unischen.

Laschain qui dvart affers e plaunt
Cul cour slargio tendain al chaunt!
Del temp passo — füt requinto
Ün fat chi chaunt merita.

Pü bod ed aunz cha püs grischuns
S' unissen in quel god da Truns
Ais incuntrö — Seo vain quinto
Il cas del nöbel Adam.

In nossa Vall, Sur Madolain
Ün där Chastlaun-tegnaiv' in frain
Ils abitants — ardaints, distants
In möd eh' ün suspiraiva.

Chi da que taunt voul dubiter
Po vair, sch' el voul sieus ögls uzer,
Som ün griplun — ils rests chi sun
Lo del chastê terribel.

Quist fich rapace trist euvlun
Retrat nel gnieu con guarnischun
Dmurand nel ot — daspér' ün god
Fich franc da ster erajaiva.

Cu'l ögl la praja spiunand
Sieurs cuolps el giaiva preparand,
Que faiv' allur — rob' ed onur
E vita zuond melsgüras.

Il pövel timid, avilieu
Sieus drets nun' vaiv' indret sentieu
Stimand perfin — cha sieu destin
Füss d' esser prusa bês-chia.

Fingio del Schwiz ils montagnards
Attraiven dels grischuns ils sguards,
Mussand fich cler — ch' as liberer
Ün pövel brav' as possa.

Pü scort non gniva nos chastlaun
Nè' ls Schwizzers tmaiva quel tiraun
Tuot occupo — inamuro
In svergogner las femnas.

In Camogask eir' ün chalger
Chi nonobstante sieu mister
Eir' hom d' onur — e genitur
Dad üna matta bella.

Il Castellan luxurius
La vzand gnit d' ella fich bramus
El fet ir mess — per ch' el obtgness
Sur not la bella giuvna.

Quel uorden ün al bap portet
E quella figl' ün retscherchet
Per satisfer — del dür, altêr
La flamma disonesta.

La secta gio dal ot erodand
Nun 'vess causo spavent pü grand
Al bap d' onur — Co del Signur
Il fich terribel uorden.

El pens' in se: na cher infaunt
Eau nun at dun al gual pussaunt
Quel pitanêr — vain as faller
Pütost laschains la vita.

Ma scha possibel am sarò
Bè 'l schelm la vita perderò
Scò quel Romaun — Nu't fatsch cul maun
Virginia novella.

La giuvna staiva lo eridand
Mo'l bap formaiva plan fich grand
Cun cour rebel — cuntr' il crudel
In quella not istessa.

El dschet al mess: eau svess damaun
A noss patrun la dun a maun
L' onur avrò — d' ir svess allò
Cur l' alva spuntaregia.

Ün dschet a quel sur Guardavall
Damaun gnaro' lla sainza fall
Pür sajas sgür — il bap condür
Svess voul damaun sa figlia.

Quist Adam valorus sco Tell
Doto d' ün anim brav, fidel
Giet as pinand — al cuolp fich grand
Incorragind la figlia.

Nel bsögn extrem na poch par launt
Fet'el tar püs vivissem plaunt
E' ls cours tuchet — ün admiret
Taunt el co sa proposta.

Curadschi dschet el, chers amichs
Armain' ans cuntr' ils inimichs
Üngün ais sgür — eau 's vögl condür
Sdrüjain la tirania.

Scha pür stovessans lo murir,
Nun pudiand bain reuschir,
Almain mussain — ch' aint in nos sain,
Onur evd' e curadschi.

Quel pover bap anguschagio,
Chi 'vaiva per agüd insto,
Gnit exodieu — gnit succurieu
Nel god püs as pustettan.

Nels galantomens giüsts e prus
Il simuler füs vergognus
Ma'l's imnatschos — e fich chalchos
Druvettan co malizia.

Guerriers, pustüd nel bsögn extrem
Recuorran ad ün stratagem
Seo Hannibal — in mér, in val
Cun serps e bouvs fet provas. —

Cur 'vains da fer con violents
Da ledschas tuot independents,
Schi guerregiains — e bain pudains
Malizch' a forz' oppuoner.

Dimen' al Scopo per river
La giuvna stet as iffiter,
Seo spusa giand — fors' eir chantand,
Chambrers la seguitaiven.

Il bap la mnet seo Abraham
Cur ch' el dal ot survgnit il clam,
Contrist muntet — e condüet
L' infaunt al Sacrifizi.

Ils empis plains da passiuns
S' intrappлан spess dad orvs minchuns,
L' inamuro — Fich spavento
Suspet nun 'vet dals homens.

Quist sensuël neir let avrò
Dad Olofernes; schi bun pro,
Per vils pussaunts — Nun fain brich plaunts
Eir sch' els pertuot as tütschen.

La bella d' el fixet ils sguards
El nun guardet lo d' otras varts
Mo cun dalet — el s' instradet
Cun braunchels per l' artschaiver.

Raccoltà l' gnit pel sem semno
El 'vet ün früt bain merito,
Ün früt da vning — gnit al maling
E na que ch' el giraiva.

El lo dvantet ün Tantalus
Mütschand l' obget al fich gulus,
Girand l' arost — gnit güst oppost,
Al luff da sper' la praja.

Del bap il feil as demusset
Sül braunchel scena nouv' el fet
Con ün stilet -- nel empi pet
La mort ficheit el subit.

Quel Schelm famus a nozzas giet
Ta'l's infernels, seo 'l meritet;
Ils congüros — d' ardaint pustos,
Cun armas tiers curittan.

Il pövel del chastê spedieu
Gnit al patrun ch' el gniss servieu
Ün nu 'ls ardet — ün be sdrüjet
Quel gnieu da Schelms con flamma.

Insembel cu 'l davous suspir
Dels empis 'vet la vall respir,
Bod as spuset — la pêsch cul dret
'Legraivel spusalizi.

Chapella della liberted,
Scha lecit m' ais d' über quel pled,
Ais Guardavall — il chaunt del gial
Lo 's fet per chi dormiva.

Eir nus avains nos Canaan,
Na pü l' Egypto lö d' affan
Que poch badains — cur festas fains
Il Segner ans perduna.

La Pesqua vo continuand
Tar ils Güdeuvs eir nun gioland

Pü liberted — neir la mited
E nus l' avains pür aucha.

Il Segner vöglia conserver
Nos drets ertos e'ns preserver
Da giufs et mels — eir temporels
Bun bap ans saj' el saimper !

† Cloetta? V. D. M.

Victoria sün Guardavall

tres

Adam da Camogask.

Melodia: Auf auf ihr Brüder etc. —

Cur greiv at vain il temp preschaint,
Mieu cher Engiadinais,
Surlevgia't pür, bütand l' imaint
Sül meglde temp, ch' ais fors' ardaint
E sül passo d' ün pais;

Conguela't con nos chers babuns
Da dürs Chastlauns redschieus,
Cun spedas, launtschas e bastuns
E na cul dret e cun radschuns
In frain els gnivan tgnieus.

Schabain nun crescha eo formaint
E'l's vents sun dominants,
Schi pür gnit fat ün chesamaint
Chi daiv' a Sehelms fich ardimaint
E forzas da Gigants.

Sün quel füt ün, chi d' nossa Vall
Attraiv' ils bains a sè,
Muaglia, roba, rér metall
Eir femnas pretendai' il gual
Patrun sün l' ot Chastê !

Ch' ün sanguettun lo saja sto
Ch' il saung tschütschaiva qui
Dal pover pövel varzagio
La natta — quel chastê vanzo
Fo vair iminchadi.

Dals rests chi sun sur Madolain
Nu 'ns vain pü fat frantur,
Ma tacit clam al spiert ans vain:
Pür Dieu ludè — sün franc terrain
Extinct ais l' oppressur!

Il monstrum mort nu'ns fo pü tmair,
D' anguosch' il cour ais larg;
Chastlauns nun paun pü qui nuschair
Scodün il sieu po svess giodair;
Nus nun portains pü charg.

In mez ün pövel christiaun
Faiv' el d' ün Giupiter;
D' ün Dieu pretais e suveraun
Dand sectas, tuns e cuolps al plau —
Dalet nun 'vaiv' ün bger!

Chi detrunet quel ot Signur?
Gnit fors' il tun da Tschêl? —
Ün brav chalger avet l' onur
Dad esser nos liberatur
Dal giuf del hom brutêl.

Quist Adam ch' eira misteraun,
Ün pur da Chamuesch,
Nun tmet quel empî dûr tiraun
Chi 'vaiva taunt il suramaun
Ta'l pövel prus sco'n besch.

Scha l' Adam prüm chi füt creô
Nel Paradis crudet,
Da sa consorte cupichô
Schi quist s' ho bravamaing uzô; —
Il Schelm el cupichet.

Ün squitsch servit a'l sollever,
Ün tüert l' inferozit,
Il Schelm vulaiva svergögner
Sa figlia! — Que 'l fet impisser
Sül Tell, dal Schwiz l' ardit!

Il prievel grand fet patriot
Nos hom — na be virtüd;
Virtüd pü granda quella not
Fet vair quel tröp chi bain dabot
S' unit per der agüd.

Na, dschet il bap, mieu cher infaunt
Ad ün disonorat,
Eau nu't darò — padim' il plaunt,
Ma dir staregia cha'l possaunt
Gnarò bod satisfat.

A quels d' ün rang superieur
Fain vair cha poss' avdér
Ta'ls oters eir ün cour d' onur,
Nun tmain quel bass violatur
Nel trat sieu taunt altér.

Ün temp bastaunt per guadagner
La figl' el promettet
Manvagl sün Guardavall da mner;
La not el get ad animer
Ils oters e's pinet.

Üngün füt vil dad ir scoprind
Il plan a quel Tiraun,
U ch' ün fors' eir da fer requint
Bain impedit — ch' üngün fügind
Lur sforzs rendess tuot vaun.

Quel pövel prus, bain löng quiet,
Dal sön gnit sdruvagliô,
Da risager el decretet
E sainz' invilg' eir approvet
Il plan d' ün pur furmô.

La finta, na be la valur
Guidet que tröp fidel;
Ün vstieu da spusa det colur
Al fat — cha'l schelm nun 'vess orrur
Nè vzess il cour rebel.

Vulaiv' ün quel sulved' armaint
In cuvel sgür clapper,
E'l saung spargner del inozaint,
Stuvet ün na be fier tagliaint
Ün stet indschin druver.

Da trappl' o praja lò servit
La giuvn' in quel bel vstieu,
Cotrêts al scopo megl ün gnit,
Il pesch dal cröch nun s' inschnuit
El ais incunter gnieu.

Perfin il ferm e fier Simson
Tres femnas gnit piglio,
Be sco dal bös-ch ün Absalon
Tres femnas gnit eir Salamon
Dal credit sieu spoglio.

La figlia bain sieu bap sgundet
Cun cour tuot inozaint,
E sü pel munt il seguitet,
Ün tröp sco nozzaduors eir get
Probabelmaing con chaunt.

Nos Adam fet d' antic Romaun
A risager dispost,
Eir sco'l modern Italiaun
Chi spess eir cun malizchas vain
Per esser main expost.

Sün Venus, na sün Mars pensand
Currit gio il chastlaun
Cun pass affat precipitant
Per la branceler as approssmand
Nè tmet quel paesaun.

Üngün dels sieus nu'l compagnet
Stimand cha'l pur undro
Füss leger e co'l cour quiet,
Bandind dimena tuot suspet
Nun l'haun els seguito.

Il fö d'amur bain al stüzer
Nos Adam lo savet,
El surlaschet a quel grander
In möd in circa militér
Per mez dad ün stilet.

Tres pleja foppa dislochand
El l'orm' a quel chastlaun
Il fier da saung tuot fraisch fümand
Per segn süsur el alvantand
Agüd fich prompt al vain.

Gnand sursaglieus ils serviaints
La vit' ün als piglet
Siand els stos ils instrumaints
Al oppressur obbediaints, —
El nun murit sulet !

Neir succedit a quel hom mort
Ün oter scellerat,
Nè quel chastê nun ais pü fort,
Da Troja quas' el 'vet la sort, —
El ais in part disfat.

Da simils temps ans preserver
Pür vögl' il Segner Dieu,
Fosdet, mentir e mordrager
Seo eh' Adam fet ed il squitschêr
Tuot que bramain s-chivieu !

Scha lecit saj' il rebeller
Cur regn' ün violent,
E tel pussaunt dad ingianer
Il giuf da se per cupicher,
Da dir nun intraprend.

N. N. ?

